

Guangjshih Minzcuz Bau

ganhhau: CN45-0036 B.2018 Nd.9 Ng.12 liggaeuq fouhswt nienz ndwenbet cosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3341期

Vanzgyangh Yunggh Lai Cungj Banhfap Baujhoh Vahmauznanz

环江多措并举保护毛南族语言

Vanzgyangh Mauznanzcuz Sw-ciyen dwg aen swciyen Mauznanzcuz daengx guek dandog, daengx yienh gyaeujvunz Mauznanzcuz 6.4 fanh, ciemq 16.92% cunggyaeujvunz daengx yienh. Mauznanzcuz dwg daengx guek 22 aen minzcuz vunznoix gyaeujvunz 10 fanh boux doxroengz ndawde aen he. Vih baujhoh vah Mauznanzcuz, Vanzgyangh geij bi neix daeuj daj lajneix geij aen fuengmienh haiguh swncienz hozdung: It dwg banh Vahmauznanz gangj gojgaeq doxdax, cung、siuj hagdangz Yananz Yangh dieg comzyouq Mauznanzcuz binaengz cungj banh “Vahmauznanz gangj gojgaeq doxdax”. Doenggvaq doxdax, youq ndawhag、ndaw gyoengq hagseng caux ok gij heiqaenh ndei gangj Vahmauznanz, gungganq gij sibgvenq hagseng gangj vah minzcuz

bonjfaenh. Ngeih dwg hoizguh denyingj Vahmauznanz, geij bi neix daeuj, bouhmonz guhhong minzcuz gonqlaeng yunggh Vahmauznanz fanhoiz denyingj 《Betcib Ngeih Bouxmaenh’ ak Laujliuzcangh》caeuq 《Yaengx Fwngz Hwnjdaeuq 2》gig miz geiqniemh hoenx ciengq yihi haenx, youq mbanj vunz lai Mauznanzcuz comzyouq dauqcunz cuengqingj mbouj aeu cienz, it fuengmienh gyagiengz gij cingz gyaez guek vunz lai Mauznanzcuz, lingh fuengmienh gyagiengz vunz lai Mauznanzcuz lai nyinhdoengz vah minzcuz bonjfaenh. Sam dwg ciengq fwen Vahmauznanz, soucomz 10 lai hot fwen Mauznanzcuz, guhbaenz conhcz fwen Mauznanzcuz 《Fwen, Daj Gizneix Mbin Daeuj》doisoengq hawj gwnzbiengz, cungfaen langhbaj gij yisuz vah Mauznanzcuz.

Linghvaih, yunggh hozdung angqhoh ngoenzciet banh hozdung doxdax fwen Mauznanz hingzik lai yiengh、neiyungz fungfouq haenx, yienq gwnzbiengz doigvangq Vahmauznanz. Seiq dwg boquengq saehmoq Vahmauznanz, Vanzgyangh Gvangjbo Densidaiz hailaeb lanzmoeg saehmoq Vahmauznanz, ngoenznaengz banhaemh boquengq saehmoq Vahmanznanz, hawj gyoengq vunz lai lai rox Vahmauznanz. Haj dwg bangcoh haiguh hong hwnjguh aen cang yaemsiengq soqgawq baujhoh vah Mauznanzcuz, gaeng guhsat hong saemjdingh、fadyaem、loegyaem、loegsiengq 4000 lai cih vahyaem sawloih Vahmauznanz caeuq gangj、loegyaem、loegsiengq vahliuh ciengz-bien.

(Mungz Siyiz)



Sanhgyangh: “Cehgenh Iq” Byasang Bang Vut Gungz

三江:高山“微车间”助脱贫

Ndwen 9 ngoenz 8, gyoengq mehmbwk Myauzcuz Sanhgyangh Duncuz Swciyen Fuluz Myauzcuz Yangh Beizcin Cunh cingq dajnyib haiznaeng ngamq daengz haenx. Ciuq cam rox, aen cunh neix youq diegbya sang bingzyaenz 700 mij haenx, youq mwh vut gungz gunggeng, Beizcin Cunh cungfaen fatok gij cozyung mehmbwk louz mbanj, ciepdawz hothoh dajnyib guhhaiz, aeu liuh daeuq gyagoeng. Aeu liuh daeuq gyagoeng canjnieb ndaej hawj 80 ranz ranggungzhoj aen cunh neix daezhawj couhnieb, ndwennaengz souhaeuq 1000 maenz baedauq.

(Gunj Yicungh/滚亿忠)

Baksaek Gyauhgingj Senhconz Hwnghwnj “Heiq Minzcuz”

百色交安宣传掀起“民族风”

“Hai ci mbouj gwn laeuj, naengh cimohdoz aeu daenj mauh’ancienz, lwnyeyz caengz majhung gaej hai cimohdoz.” Mboengqneix, youq gwnz “ciet bogfeiz” Yizcuz Lungzlinz Gak Cuz Swciyen、Sihlinz Yen, gyauhgingj dangdieg yunggh vah Yizcuz, yienq gyoengq vunz lai daeuq camgya ngoenzciet hozdung haenx senhconz gyauchoeng ancienz cihsiz.

Baksaek dwg dieg caemh miz vunzva lai aen minzcuz aeu Boux-cuengh guhcawj he, ndaw gyaiq miz Cuengh、Yauz、Myauz、Yiz、Gwzlauij daengj vunzva lai aen minzcuz hoenghvuengh, miz hawdanh Mbanj-yauz Cauzlij Lingzyinz、cietdiuqbo Myauzcuz Lungzlinz、cietdiuqgung Yizcuz Nazboh daengj hozdung angq-

hoh ngoenzciet lai cungj lai yiengh. Baengh aen daizheiq hozdung minzsuz, Baksaek Si gyauhgingj bouhmonz senjbaj boux minzgingj ndaej sug-gvenq yunggh vah minzcuz vunznoix haeuq mbanj, gangj anqlaeh、fat cienzdan、cienz cihsiz, ciengqgok gyauchoeng ancienz senhconz “heiq minzcuz”.

Doiq gij vwndiz daengx si gyaeujvunz minzcuz vunznoix lai, mbanj vunz lai minzcuz vunznoix mbouj miz geij lai fapceih gvanhnen, aen si neix gyauhgingj doenggvaq gij hingzik vunz lai haengj dingq gyaez yawj haenx, haiguh gij hozdung senhconz gyauchoeng ancienz hingzik lai yiengh haenx. Doengzseiz, baengh daengx si 134 aen camh guenjieix

gyauchoeng ancienz yanghcin caeuq 1800 aen camh gienqson gyauchoeng ancienz lajmbanj, gyauhgingj bouhmonz dawz gyauchoeng ancienz cihsiz、gyauchoeng faplwd fapgyi soengq haeuq mbanj minzcuz vunznoix.

Ciuq cam rox, baeznaengz daengz ngoenzciet, Baksaek gyauhgingj lij youq dieg vunz comzyouq、bakroen youqgaenj laeb diemj son’gyauq senhconz gyauchoeng ancienz, fat vehmanva、mbawlig venj、mbawdoz venj gingisi、ceksaw senhconz daengj gij swliuh bujfaz miz faplwdsingq、cihsizsing caeuq mizyinx haenx, gyagiengz vunz lai ancienz、vwnzmingz gyauchoeng yisiz, sonyinx vunz lai gag souj gyauchoeng ancienz fapgyi.

(Lingz Cungh)

SIUSIK DINJ

简讯

● Ndwen 9 ngoenz 7 banhaemh, Dasinh Yen vwnzyi banggungz cunzyienj daengz Yaleiz Cin Cigangh Cunh aen yienh neix, vih cungfaen fatok vwnzyi cozbij youq ndaw hong banggungz “ruzceiq” caeuq “banggungz” cozyung. Dasinh Yen hopheux banggungz gung-geng cawjdaez cujcz vwnzyi cauhyuh, haiguh vwnzyi senhconz hozdung. Daj ndwen 7 ndawcib daengz ndwen 10 daej, Dasinh Yen yaek youq daengx yienh haiguh vwnzyi cunzdauq yienjok hozdung 143 ciengz-baez.

(Vangz Dwzminz)

● Mboengqneix, Sieng-couh Yen Majbingz Cin Gujlu Cunh banh cinjing banggungz cienciengz vwnzyi cunzdauq yienjok, muzdiz dwg doenggvaq yienjok gij vwnzyi cezmuz fungfouq lai yiengh haenx, senhconz gij cingsaenz Cibgouj Daih dangj、cinjing banggungz cwnqcz、lajmbanj saenqhwnq daengj neiyungz, hawj vunz lai lai roxyiuj cwnqcz dangj caeuq guekgya.

(Vangz Gohyinz)

● Bineix doxdauq, Denz-linz Yen doenggvaq haiguh son’gyauq dinfwngz, giengzvaq fugsah sonyinx couhnieb, cauhyuh aen cehgenh banggungz couhnieb, bangrenz vunz gungzhoj laisou. Bineix ndwen 1 daengz ndwen 6, daengx yienh singz mbanj gyalai couhnieb 632 boux, boux roengzgangj saetnieb couhnieb moq 88 boux, boux couhnieb hojnanz couhnieb moq 30 boux, goengrenz lajmbanj cienjsen couhnieb gyalai moq 3633 vunzbaez, ndawde vunz gungzhoj lajmbanj gyalai cienjsen couhnieb 1142 boux.

(Siz Swnghfuj)

● Geij bi neix daeuq, Vujsenh Yen dawz lajmbanj lijyouz dangguh canjnieb youq-gaenj vut gungz gunggeng、fouq minz laisou daeuq guh, giethab mbanjungzhoj giindei vunzva swhyenz、swhyienz roxnaeuz giindei canjnieb, doenggvaq laebndei lijyouz giekdaej sezsih、banh hozdung angqhoh ngoenzciet coicaenh lijyouz siuhfei、canjnieb laisou, hawj vunz lai vut gungz baenz miz.

(Lij Ganginh)